

«БЕКІТЕМІН»

Қазақстан Республикасы

Білім және ғылым

Бірінші вице-министрі

Ш. Каримова

« 27 » 09 2021 ж.



**«Қазақстан Республикасы колледждерінің үздік 100 студенті»
республикалық конкурсының
ЕРЕЖЕСІ**

1. ЖАЛПЫ ЕРЕЖЕЛЕР

1.1 Осы Ереже «Қазақстан Республикасы колледждерінің үздік 100 студенті» республикалық конкурсын (бұдан әрі - Конкурс) ұйымдастыру мен өткізудің тәртібін және мақсатын, күтілетін нәтижелерін, қатысушылар санатын анықтайды.

1.2 Конкурс техникалық және кәсіптік, орта білімнен кейінгі білім беру (бұдан әрі – ТЖКОБ) ұйымдарының 100 үздік студенттерін тануға бағытталған.

1.3 «Жалпы білім беретін пәндер бойынша республикалық және халықаралық олимпиадалар мен ғылыми жобалар конкурстарының (ғылыми жарыстардың), орындаушылар конкурстарының, кәсіби шеберлік конкурстарының және спорттық жарыстардың тізбесін бекіту туралы» Қазақстан Республикасы Білім және ғылым министрінің 2011 жылғы 7 желтоқсандағы № 514 бұйрығының негізінде өткізіледі.

1.4 Конкурс жыл сайын ұйымдастырылады және өткізіледі.

1.5 Конкурстың мазмұны мен процедурасы пайда немесе басқа да табыс табу мақсатын көздемейді, қауіп элементі жоқ, тек ақпараттық сипатта және осы Конкурстың Ережесіне сәйкес өткізіледі.

**2. КОНКУРСТЫҢ МАҚСАТЫ, МІНДЕТТЕРІ МЕН
КҮТІЛЕТІН НӘТИЖЕЛЕРІ**

2.1 Конкурс білімі, таланты мен дағдысының арқасында табысқа жеткен, ТЖКОБ ұйымдарының үздік студенттері мен жұмысшы біліктілікті насихаттау, талантты жастарды қолдау мақсатында өткізіледі.

2.2 Конкурстың міндеттері:

- ТЖКОБ ұйымдарының үздік студенттерін анықтау, марапаттау және жетілдіру;

- ТЖКОБ ұйымдарының білім алушыларын кәсіби құзыреттілік деңгейін арттыруға және көшбасшылық қасиеттерді қалыптастыруға ынталандыру;

- жеке және кәсіби өсудің тиісті бағдарламаларын іске асыратын ұйымдарды тарта отырып, мастер-класстар, тренингтер және курстар ұйымдастыру арқылы үздік студенттерді одан әрі дамыту үшін мүмкіндік жасау.

2.3 Күтілетін нәтижелер:

- әлеуетті жұмысқа орналастыру мақсатында кадр резерві ретінде жұмыс берушілерге ұсыныстар беру үшін колледждердің үздік студенттерінің мәліметтер базасын құру;

- TVET AWARDS салтанатында ТОП 100 үздік студенттерін арнайы марапаттауды ұйымдастыру және өткізу;

- студенттердің одан әрі дамыту үшін мастер-кластар, тренингтер және жеке, кәсіби өсу курстарынан өтуі;

- әлеуметтік желілер мен танымал интернет-ресурстарда, БАҚ үздік студенттердің жетістіктері туралы материалдарды жариялау.

3. КОНКУРСҚА ҚАТЫСУШЫЛАР

3.1 Конкурсқа Нұр-Сұлтан, Алматы, Шымкент қалаларының және облыстардың ТЖКОБ ұйымдарында білім алатын студенттер қатысады:

- қоғамдық бірлестіктердің, студенттік өзін-өзі басқару ұйымдарының және еріктілер қозғалысының мүшелері;

- аймақтық, ұлттық және халықаралық Worldskills чемпионаттарының және басқа да кәсіби шеберлік конкурстарының қатысушылары мен жеңімпаздары;

- спорттық жарыстардың, әр түрлі байқаулардың, олимпиадалар мен ғылыми конференциялардың қатысушылары мен жеңімпаздары;

- мемлекеттік жастар саясатын жүзеге асыру шеңберінде жұмыс істейтін бағдарламалар мен қызмет бағыттарына қатысушылар;

- шығармашылық ұжымдардың өкілдері;

- стартап-жобалар, инновациялық идеялар, жобалар авторлары.

3.2 Соңғы 3 жылда өткен Конкурстардың жеңімпаздары жобаға қайтадан қатысуға құқығы жоқ.

4. КОНКУРСТЫ ҰЙЫМДАСТЫРУ ЖҮЙЕСІ

4.1 Конкурстың құрылтайшысы – Қазақстан Республикасының Білім және ғылым министрлігі және аймақтардың жергілікті орындаушы органдары.

4.2 Конкурстың құрылтайшысы Конкурсты өткізу үшін Ұйымдастыру комитетін анықтайды.

4.3. Ұйымдастыру комитеті Конкурс туралы ережені, ілеспе құжаттаманы әзірлейді, қатысушыларды тіркейді, Конкурсқа қатысушылардың тізімін жасайды, хаттамаларды дайындайды, конкурс өткізу туралы ақпаратты ресми интернет-ресурсына, әлеуметтік желілерге жариялайды, Конкурс жеңімпаздарын хабарлайды, марапаттауды ұйымдастырады, Конкурсты өткізудің ашықтығын қамтамасыз етеді, техникалық сүйемелдеуді қамтамасыз етеді.

5. КОНКУРСТЫ ӨТКІЗУ ТӘРТІБІ

5.1 Конкурс күнтізбелік жылдың қазан-желтоқсан айларында онлайн тіркелу және қатысуға өтінім беру үшін платформа орналастырылатын TOP 100 OUTSTANDING KZ TVET STUDENTS интернет-ресурсында онлайн режимде өткізіледі.

5.2 Нұр-Сұлтан, Алматы, Шымкент қалаларының және облыстардың білім басқармалары 10 (он) үміткер студенттерді (аймақтық конкурс жеңімпаздарын) ұйымдастыру комитетінің электронды поштасына жібереді. Сұраныстар күнтізбелік жылдың 1-31 қазан аралығында онлайн режимде қабылданады.

5.3 Жобаға қатысу үшін үміткерлер сұранысқа келесі файлдарды тіркейді:

- 1) Конкурсқа қатысуға мотивациялық хат (350 сөзден артық емес);
- 2) қатысушы өзін болашақ маман ретінде таныстыратын және өзінің белсенді қоғамдық қызметін жариялайтын бейнеролик (2 минуттан артық емес);
- 3) аймақты/республиканы дамыту үшін мамандығы бойынша өз жобасын таныстыру (1000 сөзден артық емес);
- 4) болашақ маманның кәсіби құзыретін және қоғамдық қызметті растайтын құжаттар.

5.4 Күнтізбелік жылдың 1-15 қараша аралығында Конкурс платформасында онлайн дауыс беру өткізіледі.

5.5 Конкурстың жеңімпаздары туралы ресми интернет-ресурсында жарияланады.

5.6 Конкурстың жеңімпаздары онлайн дауыс берудің нәтижесі бойынша анықталады.

5.7 Конкурс жеңімпаздарын марапаттау «TVET AWARDS» ресми рәсімінде ұйымдастырылады және өткізіледі, оның аясында студенттердің бөлінген және демеушілік қаражат есебінен мастер-класстар, тренингтер мен жеке және кәсіби өсу курстарынан өтуі қамтамасыз етіледі.

5.8 Нұр-Сұлтан, Алматы, Шымкент қалаларының және облыстардың білім басқармалары Конкурстың өткізу барысын жария етуді қамтамасыз етеді, конкурсқа қатысушылар мен жеңімпаздар туралы ақпарат БАҚ, әлеуметтік желілерде және танымал интернет-ресурстарда жарияланады.